

寧海續記

洪題

地 245-53  
942-2

平

序

國家之文獻垂於史乘地方之文獻賴有方志然皆同為官書非若私家紀載見聞切實而復不拘拘於義例故史官撰述必徵郡邑之方志志乘纂修必蒐地方之軼聞識大識小互相為用不可偏廢者也甯海為台名邑人文彪炳史學如胡身之文章氣節如方正學皆足弁冕全台惟地方文獻向鮮述作于君梅園殫心文學所撰詩文稿暨甯海漫記等書早已鈔版紙貴洛陽予自攝長杭州民中恒晤君然未知其始終殫力鄉邦文獻也比值家君衰病亟欲歸省辭校務諸校董推君繼之予因此得頻頻往還一日君以所著甯海續

寧海續記

序

記一書出示徵予一言予讀之如獲拱壁如入寶山不圖倣擾衰敝之秋尚有抱殘守闕如君者也惟竊有言者文獻為史志之權輿文獻所恃以為鄉邦之光者全視乎道德學問事功暨山川形勝種種之演構而成甯海之文獻方正學實為主樞梅園異日倘能揚正學之墮緒心體力行其足為邦邑增光甯有量也予縱或非然專以纂著為事亦當步武身之期為史學之羽翼此書之作可謂星宿海之於長江可也梅園其勉乎哉建國二十四年十一月臨海項士元謹識

陳序

文獻之學。史學也。吾浙自章實齋以後。繼起者實屬寥寥。實齋根據史學。修輯方志。嘗以此推倒經學大師戴東原之沿革說。可知地理變遷。非方志之重要也。所重要者。則有關於文獻之學耳。實齋又示比次考索獨斷途徑。以為學人著述模範。實屬不刊之論。百餘年後。寧海有干君梅園者。聞其風而興起焉。雖不明言私淑實齋。乃以實齋之事業。為事業。搜輯鄉土遺聞軼事。久之蔚然而成帙。名曰寧海續記。以續前記。亦續漢書之遺意也。丙子十月。予來抗垣。梅園適長民生中學。以此索序。取而讀之。殊覺有味。亦鄉邦之一文獻也。

寧海續記

陳序

實齋嘗謂比次考索獨斷之途徑。三者不可闕一。梅園此作。實初步比次之功耳。他日奮其精力。為之輯一縣之方志。考索之後。繼以獨斷。則必燦然可觀。梅園勉矣。實齋之學。繼起者尚有其人。天台陳鍾祺序。



盤溪干人後著

烏飯樹叢生灌木高不半丈幹細葉尖農婦常于早春摘其葉芽製茶謂之紅茶又于四月八日採其葉搗汁作餠謂之烏飯麻餠霜後實紫大若赤豆味甘美惟性燥熱諺云霜打烏飯乾撒糞叫黃天其不宜多食可知。

山茄草多生山坡盛夏開紫白花秋初結實大如蓮子色黑味甘頗爽口野果中之佳品也。

姑娘潭距縣北三十里西坑村山麓相傳龍神曾化身至奉化葛鼻某翁家為傭工見翁女而美之閃至此潭故名其後

寧海續記

卷一

奉地亢旱必至此禱雨並聞携葛女鐵神位擲入水中如浮則靈驗以為翁女允歸家施雨故又名歸娘潭潭不甚大三面巉巖壁立狀如鑊水深黑寒氣逼人毛髮悚然仰而觀之則百尺瀑泉循崖而落聲如洪鍾潭外有平巖方丈許巖左右突四陷綠草茸茸水分流而下其下為深壑不可逼視再下為澗雜木叢密禽聲四溢樵跡罕至可知又傳潭中時有二小蛇浮遊水面云即龍神與葛女也甲戌夏余疑之遊其地初未之見坐炊許果出亦奇矣。

余舍西有蜜紅二株樹高五丈大可二抱皆數百年物秋初結紅果綴枝纍纍若櫻桃然採而食之味甜富黏性亦山鄉

特產也。

宋鄉賢葉西澗丞相。孤忠亮節。照耀史乘。惟遺罕傳。引為遺憾。甲戌冬。余于馬塙俞氏宗譜。得其文二篇。一為俞氏宗譜序。一為綠會亭記。後者詞藻工麗。風景如畫。尤為余所愛讀。文云。馬坡雷峰俞君。諱應奎。字文叔。新昌察院默翁之望族也。其兄應龍。薦鄉貢進士。其子野棠。仕四民教諭。余與公同庠。契厚且久。於今。昔余既擢。公亦登職。苦荼牘之勞。嘆曰。人生富貴適意耳。奚為沉身於宦海耶。遂解綬而歸。陟庭之北。有山崔嵬。轟奇峯於四畔。發長址於崇岡。於是畫基量楹。築亭其巔。掛飛簷於碧落。飾畫彩於雕甍。臨之四望。上而天開。

寧海續記

卷一

二

日朗宵漢垂青。下而水秀山明。松篁擁翠。夾道兮槐陰午轉。馮砌兮樹陰春深。苔茸茸兮鋪堦。草芊芊兮繡地。物之成色。寓諸亭而觸諸目者。莫非蒼翠之交榮也。以綠會名。不亦宜乎。及至良辰美景。月夕花朝。玉昆金友。桂子蘭孫。揖賓朋。遊寮友。登斯亭也。憑欄遠眺。覽勝會於觀瞻。環居列坐。羅珍饈於几席。或泛荷杯於盛夏。或酌霞觴於暮春。時鶯兮。現現。協歌喉而婉轉。彼鶴兮。翩翩。借舞袖之郎富。籬菊舒金。白衣對飲。墻梅破玉。處士同吟。醉李白之千鍾。百篇詩就。飲盧仝之七碗。兩腋生風。襟懷爽豁。胸次悠然。酒闌人散。天晚月明。揆時及物。即景與人。其致甚佳。為樂最深。余既有感於斯。過故

不負所請記以文。更爲山間四時扁之。詩曰。天錫高人樂考槃。美哉林壑有奇觀。五峯秀壓通靈壺。雙澗清調解愠絃。谷吐春花香細細。池涵秋月影娟娟。爭誇勝概羸蓬島。對景尤增眼界寬。

鄉里老農。每因經歷所得。頗知天時。熟不熟。但看五月廿五六。又云。二十五六陰。穀子滿田塍。此五月廿五六晴。則亢旱。諺也。王吉人孝廉詩云。黑雲翻墨影層層。農諺由來信可徵。喜煞午陰連四野。定看穀子滿田塍。又五月晦日晴。來春未穀無人問。此五月卅日雨。來春未貴諺也。王又詩云。隔江隱隱動雷聲。聒耳青蛙歷亂鳴。生怕來春增未價。不祈好雨只

### 寧海續記

卷一

三

祈晴。二詩具見王著日吟小草卷二。

油條。又名油炸燴。人盡知之。惟吾邑方言。則以形肖天蘿。名之曰天蘿絲。口音既殊。名亦奇僻。初聞者莫不發噱。

吾寧歌謠。迥異他邑。茲又搜得一則。以續前記。砵青柴。煉青灰。討個老婆傳後代。青柴勿該砵。青灰勿該煉。介個老婆勿該抬。此田夫怨婦詞。咀嚙之。別饒風味。可歌也。

慈言錄二卷。家嚴平日訓誨余等之語錄也。家嚴篤信王學。嘗以傳習錄講授鄉人。故是錄有多引王學處。茲隨錄三則。教養子女若種花然。初種時只須下栽培灌溉功夫。切勿作枝茂葉盛花繁實夥想。蓋懸想無益也。又云。爲子弟擇業。當

以農為先。工次之。商又次之。許魯齋嘗曰。士君子當以務農為生。商賈雖逐末。果處之不失義理。或以姑濟一時。亦無不可。其尊農如此。彼妄求仕進。落拓江湖者。非吾所取也。又云。處世立身之道。只一謙字。為子而謙必孝。為臣而謙必忠。為父而謙必慈。為兄而謙必愛。為友而謙必信。故吾廬題曰謙受益。

老學庵筆記載曾子宣家男女手指皆少。指端一節。余初怪之。戊辰春。適過下梓孫立夫家。見其父子手指足趾皆多二。始恍然若悟。又聞其弟亦如此。惜已早世。不可見焉。

縣前錢氏。元至正間。始遷寧海。其始祖國祚。初因元亂。避台

### 寧海續記

卷一

之茅坪。復以方國珍據台。轉徙今地。其三世孫元輔。洪武間徵辟賢良。擢醴陵縣令。四世孫允諧。永樂癸未舉人。宏治府志。康熙府志俱不載。十一世孫應揚。福建甌寧縣主簿。遷知縣。光緒府志作二人。一為壽寧典史。一為甌寧主簿。或係重出。遷乾隆庚辰武進士。任湖北岳州衛。重赴鷹揚宴。十四世孫夢虎。乾隆己亥恩科舉人。歷任廣東提督軍門。肇釐陝西鳳翔府參將。誥授昭勇將軍。至民國。有十九世孫之昂。之選等。縣縣延延。代有其人。是誠繼續閥閱世家矣。摘錄縣前錢氏印譜。

錢肇楷。名塘。字武林。號吳峰。別號月湖。縣前人。乾隆壬子科。

舉人光緒邑志府志俱不載。錢氏譜載其分居遺悶詞四首。錄其一云。自嘆年來已七旬。一朝異爨暗傷神。殷勤囑咐庭樹切。莫忘情舊主人。骨肉情深。淋漓嗚咽。是得性情之真。縣前錢氏譜。有錢如用詠懷古詩一首。意亦猶人。而有古朴之致。夙昔慕躬耕。繫懷在邱壑。綠水漾平時。青山接籬落。當春足時雨。努力事東作。我鋤子則犁。斯業欣有托。日暮歸蓬廬。薄酒自斟酌。乃知浮利虛。不如田園樂。讀書破萬卷。胸懷淵以博。遠紹兼傍搜。著論敢穿鑿。董惟不窺園。焚香下簾幕。昔賢處窮困。勵志誦邱索。名教有樂地。詩書非糟粕。望古雖遙遙。獨坐懷濂洛。錢名文蔚。字從光。號晉卿。別號稼軒。

寧海續記

卷一

五

錢如鐸。名振鏐。字特中。號斌齋。又號申甫。別號半癡子。縣前人。清健跳躑。嘗總司。咸豐壬戌。因克復入城。太平軍。邑侯保舉把總。繼以母老辭歸。設帳雪坡。不數年。又入邑庠。並好吟咏。雪坡即景云。避跡留雲嶠。藏身在雪坡。山深樵曲徑。水淺釣平波。醉賞三竿竹。閒敲七十哦。飄然同世外。寵辱兩如何。辭友保舉四則。錄其一云。掛冠還擬問山林。惟恐林疎山不深。敢道孤芳稱獨賞。清風明月供狂吟。題素軒云。早起澆花併洗竹。閒來讀史且携樽。閒情逸致脫口而出。無一點武士氣。奇絕。

錢如溥。號時泉。竹屋云。小園碧玉幾時抽。結屋三間似小舟。



好鳥頻來真灑落。主人不問亦清幽。蕉窗云。今宵酌酒把銀缸。風雨潇潇未肯降。只道棕櫚喧竹屋。誰知蕉葉打芸窗。二詩淺俗。而情致尚勝。詩載錢氏譜。

錢運笏。郡廩生。題清泉山舍壁云。蕭然老屋倚峻嶒。結得芳鄰三五僧。半榻茶煙風外颺。一簾花氣雨中凝。清香解渴齋厨酒。孤影燃愁法座燈。且喜開門無剝啄。偶從方丈說三乘。奉和王雲樵世叔重至清香館韻云。留客聲喧梧葉雨。談詩香度桂花風。二詩清婉有風調。亦見縣前錢氏譜。

錢運滄。名翼雲。字從章。號倬庵。又號搏九。邑廩膳生。亦縣前人。秋郊晚眺云。薄暮双飛倦鳥還。風飄黃葉墮林灣。斜陽不

寧海續記

卷一

六

減胭脂色。點綴迂倪畫裡山。蓼花云。秋光一片景彌賒。劇愛蕭疏放蓼花。小影亭亭披翠靄。輕漪閃閃映紅霞。游魚唼影潛逐現。瘦蟹扶枝整復斜。渡口江頭誰作伴。猶看幾簇有蒹葭。前者風景如畫。後者細膩之至。詩載錢氏宗譜。

錢運禧。名翼衍。字儀可。號鴻軒。光緒間邑庠生。編有回浦詩錄。為吾邑有詩總集之始。其有功于鄉邦文獻固不尠也。衍生平嗜詩。所作亦多。當不止譜中數首。桑洲吊盧翰林次王司馬廷幹韻云。寂寂山村落月斜。鷺棲繞樹亂啼鴉。燕都英輔空爭寵。避國忠臣尚有家。吐屬才高騰白鳳。誅夷血慘淬青蛇。不堪良夜尋芳躅。玉露更深濕野花。初夏偶成云。風雨

蕭蕭坐小齋。無端觸起悶情懷。千鍾酒欲傾家釀。萬斛愁難  
破冢埋。閒著叢書消歲月。日翻故紙作生涯。門庭岑寂如僧  
舍。贏得苔痕綠上階。前章悲壯。後首豪宕。惟琢句俱欠穩妥。  
錢運治。名子安。年十四。即能詩。白頭翁云。木與莎鷄作顏儔。  
聲聲喚徹一天秋。只因昨夜西風急。吹得蟲兒白了頭。又詠  
鵝云。翎梳白雪掌霞暉。戲浴清波體正肥。笑煞當年王逸少。  
黃庭一卷換君歸。又吟蟋蟀云。階前蟋蟀韻淒清。每入書懷  
倍繫情。最是月明人靜後。秋風影裡一聲聲。又咏秋蟬云。寒  
蟬噪徹夕陽紅。斷續聲隨斷續風。疑是新秋天氣爽。頻呼佳  
景到林中。音節瀏亮。渾成天然。如此詠物。自不平板。

寧海續記

卷一

七

乙丑歲。余長縣教育會。有評議員錢趣園者。亦好吟詩。問之  
即翼衛冢嗣也。種葛篇云。種竹俗可醫。種花香可摘。足以供  
歡娛。且以悅朝夕。何如種此葛。美地不虛擲。秋雨濕花黃。春  
風吹葉碧。米擲當其時。可締更可綌。暑服稱體裁。服之思無  
歎。歌詩懷國風。稼穡起王跡。寄語世上人。勿作事無益。大風  
云。落葉亂飛揚。風生四野狂。庭前無宿鳥。山外有歸航。沙走  
江聲白。雲流海氣黃。高歌懷壯士。天地久低昂。錢名彥煜。字  
克從。邵庠生。

錢日御。名九齡。字壽祺。號偉卿。浙江省立甲種蠶桑學校畢  
業。天資穎異。年三十卒。錢氏宗譜世藻內編。載其詩獨多。水

仙花云。數朶當春挹露鮮。亭亭却似水中仙。裳拖淺綠嬌無  
奈。額抹深黃靚可憐。海外疑他來偶爾。簾間窺我笑嫣然。梅  
見若弟同清絕。一例相看俗慮捐。又松蓋云。陰遮幽徑苔茵  
密。影覆方塘荇帶濃。如此寫水仙松蓋自覺婉而麗。細而曲。  
若天假以年。其不難為吉人第二也。

柴樹棠。字憩南。南隅人。清咸豐間。思貢生。城內塘頭趙氏宗  
譜。載其文甚夥。文辭簡潔蒼勁。余頗愛之。趙履盛君配劉氏  
守節記畧云。劉氏。邑庠劉樹聲女。年及笄。歸履盛。育二女而  
履盛沒。氏年僅二十九。或憐其少。諷之改適。氏誓以死守。履  
盛先世家頗豐。至履盛已中落。氏日則操井臼。夜則勤紡織。

### 寧海續記

卷一

八

節衣縮食。深自刻苦。教育二女。皆有法度。嘗欲立諸姪為嗣。  
以擇賢未定。今氏年四十有一。松筠之節。歷久靡堅。族黨內  
外。嘖嘖交贊。余方與諸同人採輯節烈志。以氏未五十。限於  
登記。他年有續輯者。固當首屈耳。

施天壽。號一齋。城內大朱巷人。清嘉慶間歲貢。所作多散佚  
不傳。今存者僅施氏譜中數十篇而已。長官祠云。瘠土偏隅  
邑。陳侯五代賢。賦方量敵減。身竟為民捐。荒塚楸松古。宗祠  
俎豆綿。深恩銘不盡。瞻拜一凄然。玉帶河云。古河名玉帶。宛  
轉竟如環。曲處離仍合。方流往復還。平分橋作紐。倒影月同  
灣。豈必觀回浦。悠悠趣自閒。二詩只平平寫來。淺而不促。亦

足取也。

一舟詩草二卷。緜城葉桐封明經撰。未刊本。靈泉寺云。元峯凌碧漢。東谷出靈泉。寺古僧無定。林深鳥不喧。讀書懷宋相。題句記明賢。欲訪雲猷跡。風槎尚海邊。續題余天台游草云。石梁懸瀑布。河鼓映霞標。勝境由天造。新詩着意描。金聲初擲地。逸響欲冲霄。可似搜神記。山靈氣倍豪。菊影云。日落無從探彷彿。月明依舊惹玲瓏。柳絲云。鶯梭織去春無限。燕剪裁來弱莫支。葉字一舟。又字亦周。城東白石頭人。宣統己酉。拔貢。前記未詳。故又及之。

華光字。字鼎卿。號丹崖。監國魯王元年提督理刑。讀書能詩。

寧海續記

卷一

九

素抱大志。越中即事云。為恨書生不識兵。也將膺狄步前英。旌旗曜日風雲變。笳鼓喧天草木驚。玉帛珠球曾昔會。卧薪嘗膽孰親盟。孤臣未展苞桑志。坐向城頭待月明。閒居寫懷云。請纓當日逞英雄。歲月如梭萬事空。餘得迎風逐月地。種花挿柳戲兒童。知命光陰我適逢。一廬自足漫憂窮。庭前綠竹高如許。儘得夸修似武公。前詩悲壯蒼涼。忠貞之氣溢於言表。後二首亦清新可誦。

華大英字映碧。號岳符。順治間拔貢。四川酉陽宣尉司經歷。光緒邑志未載。光緒府志作華大珙。並附列華竊文苑傳。華氏譜謂其學問博洽。著有信斯堂稿。拾遺草。咏歸集。皆佚不

傳記其和始祖自無錫卜居寧海原韻云。避荒之于肇封來。深惜宗彝委草莽。千百世更忠氣續。北南朝異壯心理。李通卜避焚疏稿。趙輔違時棄鼎梅。白馬長驅猶此意。繩前事業待雲雷。台屏山石橋同僧。香雪分韻得空字云。洞壑千尋勢。鬼橋渡碧空。攀崖沾瀑布。飛錫動天風。山果禽遺啄。岩花鹿印蹤。年來斷塵事。長得伴支公。山果一聯工絕妙絕。二詩俱見華氏譜。後者又見三台詩錄。

華葆光字隆亭。城南人。秋日遊躍龍山云。直上層巔眼界開。清華秋色淨無埃。聞潮閣外斜陽滿。一抹山光抱郭來。按兩浙輶軒續錄。華字誤作葉。光緒邑志光字誤作元。台詩四錄。

寧海續記

卷一

竟作二人。則更謬矣。姑錄出以正之。

陳大瑜字惟粹。號靜遠。別號匪莪詩人。清順治間歲貢。授平陽訓導。未就。邑志謂其詩文落落。自命力洗餽釘之習。感學標三台詩錄。僅選其庚子與賢閣聞拆聲不寐作一首。乙亥夏。展閱城東陳氏譜。得其詩頗夥。爰選錄之。閣山云。桃源古澗自通幽。忽起高岑隱太邱。老樹帶寒深入徑。修篁漾月護書樓。何人拂筆遂侵暑。若箇携琴尚買憂。欲嗣家徽尚小築。羅浮風物一齊收。倚島咏懷云。避秦來別業。掃徑費忙呼。淨榻藏書古。清秋借客孤。語深情欲瀝。心遠事能無。何似陶真逸。松巔自作壚。與新庵淨方禪丈云。鐵江吾贊里。數載一相

過舊徑。紫荒草。新庵。胃女。蘿。潮痕連雨潤。樹色入秋多。不道  
安禪好。中原尚鼓鼙。三詩神韻悠然。蘊藉。霧挹之不盡。  
陳之岫。字仲雲。號躍海。名文龍。又號天山。嘉慶間人。陳氏譜  
載其採集寧海地名。口占十二絕。既有逸趣。寫地名能如此。  
渾灝流轉。却是難得。双桂堂前金雀飛。小橋棚內晚烟迷。東  
山遙望西山月。皎皎光斜六角溪。朱行橋畔雨淒淒。雲鎖溪  
頭路欲迷。閒看白岩窩口燕。飛過東畝啄春泥。後宅紗投角  
黍新。菖蒲酒醉鄔家村。橋東四望無舟渡。路下多逢採葉人。  
簷前黃鳥繞枝棲。隔水楊花滿澗飛。月影橫斜銀杏樹。片帆  
直渡蔣家溪。嶺下歸來曲徑迷。方山霧捲夕陽低。幾聲鶴唳

寧海續記

卷一

牛頭塢。數盞漁燈。馬齒溪。張家山畔去尋芳。楊柳風飄輦路  
香。忒裏遊人歸不得。一灣流水隔西洋。柿畝秋深細雨過。路  
回石埠脫漁蓑。梧桐嶺上看飛鳥。月下爭棲鴉在窩。筵開七  
市慶新絲。塙裡蠶山乍落時。月上塘頭眠正穩。阿儂夢折小  
梅枝。普照門前一葉舟。越溪水淺半帆收。應家山畔難停泊。  
繫纜。遠須近纜頭。法安寺裡早鳴鐘。花滿山前春色濃。醉別  
長亭嫌路短。頻頻送客過靈峯。露白橋邊客路淒。紅梅枝上  
鳥爭棲。行來轉過青山脚。隱隱南庄隔一溪。九江無雨晝偏  
長。且到亭頭趁晚涼。遙望大林嵐氣靄。白蓮池畔有餘香。  
陳懋澤。字克如。號雷漁。乾隆丙申歲貢。東隅人。生平嗜學。歲

科屢考優等。鄉闈屢次呈薦。壽八十四。桃源陳氏譜中八景題。為先生手定。桃源印月。閣嶺披霞。石井泉香。道司柳色。泥塘晚釣。水竹朝耕。大街閣隱里巷游談。記其桃源印月云。仙鬚自古住桃源。今見姮娥帶魄翻。中有吳剛相對立。應疑劉阮過靈媛。閣嶺披霞云。聞道霞光滿赤城。今朝綺散閣山明。興公若見高標起。得句應流擲地聲。詩載陳氏譜。

陳承政字翰卿。別號墨生。有子九人。後先舉明經。遊太學。入邑庠。膺鄉荐。其八旬進觴時。舞綵繞膝百餘人。是殆鄭義門也。享年八十六而終。人咸稱曰人瑞。白巖姜炳章題墨翁老先生九男侍立圖云。桃源勝地近天台。穎水宗風厚自培。豈

### 寧海續記

#### 卷一

但宅邊稱五柳。更於庭畔植三槐。興來瀑布常侵屐。老去山霞喜入杯。髯髮蒼蒼忘古貌。漆毫束絹笑顏開。詩亦見陳氏譜。

龔志清字子欽。城東人。余幼時業師也。先生性誠慤。寡言笑。早年入泮。蜚聲黌序。壯復畢業上海師範學校。民國元年。長縣立高小。經營不遺餘力。其待諸生也尤懇摯而義篤。民國四年。余亦負笈斯校。時余多病。先生每每親自調護。至今思之。不覺涕泗滂沱。先生長校凡六稔。吾邑今之人士。莫不出其門下。民國七年。被選為浙江省議會議員。並任浙江省長公署咨議。八年任山東省長公署顧問。十年任浙江督軍公

署咨議。十九年以任寧中訓育主任。積勞成疾而長逝矣。痛哉。先生享年五十有三。遺子一。女一。

伯祖妣林氏。性至孝。事事能曲體翁姑。道光壬子秋。翁奇峯公病革。氏焚香籲天。割股和藥以進。翌日瘳。柳令商賢給孝可通神額旌之。事詳三台閩範及光緒邑志。甲戌冬。余養疴返里。偶展家乘。得先宗伯善焜媪母林孺人割股歌一章。歌曰。物則曰民彝。天親本一脉。不遘與用勞。均為世人責。卓哉林孺人。孝思介於石。吾祖病劇時。束手無一策。孺人愴然悲。寸衷暗擘畫。焚香私祝天。一齋何足惜。及鋒奏耄然。鮮紅染肘腋。烹調和藥進。病已安。衽席。吾祖幸安康。媪母病又革。血

寧海續記

卷一

耗形容枯。幾乎赴窀穸。吁嗟乎。了吉之山青。冠岩之水碧。山水實秀靈。生此賢中。慨含涕發幽光。俚言不忍繹。善焜字洋。號耀庭。少穎異。好著述。惜年不祿。費志以歿。

道冠山。距縣北三十五里。位盤溪之南。因上有簪冠寶劍二岩。形頗肖似。故名。峯高無木。綠草叢生。至冬則積雪皚皚。若羽冠然。庚申歲。余有道冠積雪詩。雪霽登樓望道冠。銀峯高聳挿雲端。千巖衣絮融新白。疑是瓊樓築玉巒。

下河村東下旁山麓。有跌水岩飛泉。每逢雨霽。穿雲直瀉。勢若噴雪。即石梁龍湫亦未之遠遜。惟水源不長。久旱則僅素練百尺而已。先宗伯祖槐圃公詩云。奇石鬱崔巍。泉流一道



飛彩虹拖縹緲。白布掛依稀。倒瀉銀湍急。高懸雪浪扉。石梁風景在。遊賞願忘歸。又善焜宗伯詩云。半峯頑石疊崔巍。滾滾清流界道飛。好似白龍窺洞壑。翻疑素練掛岩扉。光緣霧重溟十丈。磯為風狂濕四圍。解識此中真意味。石梁佳景未全非。又善守宗伯白云。幾條界破青天色。十丈長如白練牽。帶月流光真雅韻。穿雲倒瀉似浮煙。三詩具載于氏宗譜。石扉潭碓。在山下村前。溉上洋畝田二百餘畝。不知築自何年。黃泥潭碓。在下何村西。溉下河畝田二百五十餘畝。亦不知築自何年。民國十五年。洪水冲圮。翌年。家嚴與宗兄人文倡築。招溫州工人數百役之。閱年餘始成。二碓大旱不竭。利

寧海續記

卷一

一四

賴至今。民國甲戌歲。全浙大旱。而吾邑尤甚。惟此二畝。仍慶豐年。

屏岩樵歌。為下何八景之一。題既雅逸。詠者亦夥。而余最愛奇峯公一律。古石聳嵯峨。樵夫與若何。者番吹短笛。幾度唱新歌。逸韻林間繞。清聲澗裡過。曲終人欲去。擔負出山阿。詩思高逸。渾成自然的。是久居山阿。胸襟淡泊者語也。

潛山亭。俗名新涼亭。在盤溪南洪家塔畝。民國甲子歲。先伯父善祐府君創建。更於夏秋間施茶。潛山本先伯父別號。鄉人遂名以紀念。郭笑嶺亭。在上洋頭村西數百步。郭笑嶺巔。清歲。等募建。夏秋亦施茶。

曾伯祖旭林公。諱城。與侄槐圃公諱焯同年入泮。旭林公名列第一。槐圃公名列第三。時人美之。稱伯侄同年。松檀明經嚴觀梧詩云。青紫從來本不疑。今番報捷遇殊奇。休誇昆弟登雲閣。恰比師生躍鳳池。米蕒聞人更獻頌。簪花有伯始純熙。三年兩度勞方慰。萬里鵬程路豈迷。後金明經詹鼎亨詩云。好音乍聽愜余情。始信君家學業精。輝映後先双璧合。光爭宗祖二難并。紛紛藻米鷲年友。伯伯簪花類後生。此日隨行初發軔。佇看縱送到雲程。二詩見于氏宗譜。清代寧海詩存。

明義士俞原玠。字尹璋。縣北馬塢人。永樂初方正學先生死

### 寧海續記

卷一

一五

難。誅及世構。義士獨庇厥弟。慷慨赴義。及抵京。聞詔闔門遣戍。遂傾藥自盡。宣德初。旌建義祠。崇祀鄉賢。事載邑誌。其裔孫俞心亨謁義祖有感云。殉忠赴難獨相隨。手足關心只自知。欲使鶴原如兔脫。願將魚網作鴻離。峯山明月疎梁夢。燕邸殘雲傾鶴卮。玉蛻已經回故里。英魂依舊叶墳荒。又讀義祠碑云。英魂赫赫義公祠。銘碣留題幼婦辭。殉難朝廷心共諒。為全手足志誰知。一杯鴆酒空千古。半幅鴻書抵四維。遮莫後人無墮淚。傷懷不似峴山碑。心亨字田採。號愚廬。清嘉慶間諸生。詩見馬塢俞氏同治宗譜。

綠會亭。在馬塢綠會坪上。宋進士俞應奎建。葉西澗丞相題。

額並作記。今圯。俞心身錄會坪懷古云。昔人亭榭滄桑變。此地空餘綠會坪。鳳翅草斜蹊影合。虎蹄苔上印痕明。殘碑猶憶黃扉筆。古額難尋樞密名。惟有山光終不改。煙嵐鎖翠亂啼鶯。詩載深剛俞氏譜。

俞心身字凌雲。號避庵。深剛人。道光間郡庠生。精堪輿。好吟詠。聞與友人酬唱之作頗夥。然余僅見其友贈俞詩十數律。金蘭呂鳳齊云。巒頭看遍墓頭門。蒙卜椒聊派衍蕃。地理有書傳秘訣。盤飧無味佐清樽。石梁泉布高千古。海市人家問幾村。竊慕台山名勝境。試將風景細談論。又白云。四百里來欽遠到。二三更後話遲眠。娶東厲陞贈白云。敢因近海聞潮

寧海續記

卷一

一六

信。竊願留車奉酒樽。金東陳錦江贈白云。陰陽秘鑰多心契。詩酒生涯任指揮。金東厲半栽贈詩云。把袂依然在德門。于時正值稻花蕃。君來海市波千頃。我喜騷壇酒一樽。着履編能遊勝地。洗裝罔不有前村。何當携我桃源去。飽飯胡麻重典論。詩見深剛俞氏宗譜。

清初新昌民族英雄俞舒素。集部党三千。倡義革命。旋為清兵擊潰。四出虜掠。並焚馬嶼民屋千數百間。事載俞氏宗譜。俞國柱作歌云。大清初鼎革。天下猶未平。新昌俞舒素。潛謀倡義旌。部党三千數。屯駐我中庭。頭纏長布帛。衣披短甲兵。延綿日復日。東作又西成。勒銀并勒米。撲捉如飛鷹。鄰村多

苦難。夢寐受憂。八月王師起。寇逆盡。逃生。堂房燒作燼。財物掠歸城。良民遭殺戮。冤鬼夜啼聲。賊散仍烏合。山海肆憑陵。家家結茅屋。戶戶絕草腥。看看十餘載。殄滅始安甯。作歌人目覩。遺與子孫聽。國柱字石臣。馬坡人。康熙間。邑庠生。馬垵原。圻義祠。所懸楹聯。多出俞心手筆。錄其三云。當年死別生離。耿耿英魂。長泊蘇門煙樹。今日伯兄季弟。綿綿血食。仍聯同室墳塋。鶴唳無立處。聽咏蒼松。願將義竹忠狗柏。鶴原有急難。載歌棠棣。甘為穠李代。僵桃愛厥弟。不安厥身。肥瘦異形。甘自代。盡乃義。亦盡乃忠。死亡同日。願相隨。俱工整可誦。

寧海續記

卷一

一七

甲戌冬夜。展閱同里俞氏譜。見有方正學先生。答俞亮公遺札一文。急讀之。知為遜志齋集中答俞敬德二首之一。全書長千百餘言。多述聖賢為學之道。語語痛切。可作座右銘。讀遜志齋集。未載年月。俞譜署洪武十六年癸亥季冬十三日書。

大沙庵。在桐樹畝東。當丁家畝水與盤溪會流處。不知建自何年。旁山庵。在下何村西山麓。負山帶水。風景清絕。惜香火久廢。民國庚申歲。余有紀遊詩云。旁山庵。結旁山邊。殿宇輝煌憶昔年。貝葉不聞香火冷。一番憑吊一凄然。鉢盂庵。在下河後碧岩山上。久圯。余亦有紀遊詩云。盤紆試上碧巖山。

俯瞰村前水一灣。欲問鉢盂庵舊迹。殘碑徧點綠苔斑。  
羊府殿在縣北三十五里。洪家塔村。記晉羊祜。每逢舊歷七  
月十五日。附近村落。打鼓揭旗。會此迎神觀嘉禾。糜有年。頗  
極一時之盛。余按縣北殿廟不下千餘。而祀偉人者絕少。不  
如此殿用意何若。姑記之待考。

來陀山在城南十五里許。上有藥師殿。殿下有飛泉數仞。勢  
雄偉。每歲寒食後。遠近士女來此採藥者不絕。云山中草木  
治瘋極靈。亦奇也。甲戌春。內子顏玉如遊其地。有來陀試上  
踏青行。杜宇春深照眼明。自恨無才難見白。惟隨鄰婦折芝  
莖。松風稊稊白雲飛。殿北殿南瑤草肥。應是仙山瘋藥好。教  
儂折得滿囊歸。二絕尚可誦。姑附錄之。

### 寧海續記

卷一

壬申夏。村左下旁山巨石。突然崩頽。一時間里驚恐。若大難  
之臨然。時余負笈滬濱。家學士宗甫以函告。霖弟見而笑其  
迂。未二月。中秋晚。新嶽匪百數十犯故里。焚掠屠殺極慘。嗟  
夫。天亦預知有浩劫乎。

洪若海。字伯涵。號省齋。鄉之西坑人。清乾隆間恩貢。光緒邑  
志未載。今洪氏譜紀其四弟若津。長子見龍。均庠生。其與同  
人訪葉西澗先生書院故址。登狀元峯絕頂云。携朋挾冊訪  
仙班。信國書堂半壁間。極目層巒漆筆興。滔天巨浪起文瀾。  
一生壯志誰堪擬。千載芳聲莫與攀。釋號長隨古岫在。願偕

人傑仰高山。隨緣岡上石佛山云。溪濱突兀撐奇空。野叟爭  
傳石佛踪。峭壁橫懸千尺嶂。危崖長掛一條虹。玲瓏古洞穿  
曦影。挺特奇岩掉目中。不是飛仙誰可躡。我來猶喜共登峯。  
西坑風土紀畧云。沙瘦田憂旱。人疎地力荒。富歲猶多歉。積  
債幾能償。陶公曾畜牧。諸葛亦躬桑。絲麻堪貿粟。葵菽可調  
羹。農夫思克敏。女手學縫裳。勤此謀生策。瘠土定知方。題馬  
嶼水口石筆云。溪濱石筆撐奇峰。造物由來間氣鍾。浮彩豈  
殊花夢叢。冲霄何俟管城封。地靈不耐凡師削。神策旋施補  
綴功。從此前休千嶺似。奎光長燦馬波中。映奎書院木屏銘  
云。非敢塞門。聊蔽內外。蔽身則可。蔽心則非。不學面牆。為古

寧海續記

卷一

一九

人嗤。藩籬未撤。入室胡基。效彼面壁。如見參前。念茲在茲。迹  
可遠焉。諸詩文均見西坑洪氏抄譜。

曾伯祖城。性好經史。兼擅岐黃。一生寡慾清心。諸貨莫贖。無  
後。享年六十一。余嘗搜其詩。不可得。僅家譜所載八景詩三  
首而已。前山屏風云。雅愛屏風好。開門恰見山。千重青嶂列。  
萬點翠螺環。排闥中峰秀。當窗玉業間。憑欄供眺望。拄杖願  
登攀。盤溪玉帶云。勝景來遊處。前溪足壯觀。銀波千尺湧。玉  
帶一村盤。曲曲霞裳曳。層層霧縠團。地靈人可傑。待試釣鰲  
竿。

方正學先生祠墓。在金陵中華門外聚寶山。黃岩默盒居士

王舟瑤有訪正學祠墓云。吾台鄒魯邦。緱城為之冠。紫陽得真傳。昌黎驚再見。早受高皇知。預為神孫選。徵車下漢中。俾筆侍講殿。論治抗伊周。致君軼唐漢。議禮改六官。微嫌近武斷。志大惜才疎。未能防禍亂。孝陵土未乾。北平師已變。誰解金川門。空望神樂觀。先生鐵石人。安肯從逆叛。斧鉞嚴春秋。大書一字墓。不為三楊生。而甘十族罪。浩氣塞乾坤。忠魂動雷電。我來木末亭。瞻拜淚如霰。荒祠秋草蕪。遺墓殘碑斷。寂寂春與秋。無復藻蘋薦。綱維今已頽。忠節誰復羨。惟有故宮前。貞石存殘片。當年恨血留。長共赤心滅。靖難之度。正學先生二女投秦淮河死。王復有詩云。緱城二女悵沉沙。千古忠靈已未遊草。

寧海續記

卷一

二

貞萃一家。為洗秦淮脂粉穢。波中湧出白蓮花。二詩均見點。郭樹棠。號憩亭。縣北長洋人。清廩生。性淡泊。嘗家居講學。四方從遊者踵相接。一時俊異之士。多出其門下。晚年遭顛連之境。備極艱辛。嘗憾其于慵懶。不克昭述先志。有一代書香。真太息。竊將衣鉢付垂髫。此語不加攻苦力。收成反不及漁樵等白。易其孫履洲。履洲今供職軍界。卓然有聲。不可謂非先生之教也。先生卒於民國二十三年三月六日。享壽七十有八。事略詳先生訃告。民國乙丑歲。余以事過訪。而先生絕不以前輩自居。留宿者再。並與之論詩良久。其人其學。於此

可見。

堂兄人齋。號芝山。年弱冠。棄舉子業。壹志習秦越人之術。以濟世。小兒科尤精。性嗜酒。善畫蘭。不治生產。暇則自弄絲竹。其胸襟灑脫如此。一夕。咯血一桶。卒于梅林。客次。身後蕭條。人以鄧伯道悲之。

癸酉春。前駐寧營長李亮。因縱民種煙。藉飽私囊。荼破獲。鎗決于有保安場。

吾鄉種豌豆。必五年或十年更休其地力。故地少者往往隔五年始得食。若強種之。亦開花不結實。蓋亦東坡所謂更休而地力得完之義歟。

### 寧海續記

卷一

二一

華祝原名萬藻。隆亭子。字正春。號樸園。郡廩生。改名祝。號金山。嘉慶間舉人。欽賜國子監學正。行優學博。著有易經古本証解。左氏戒淫文。作窗談奇。金山見聞錄。聽春樓詩文集。左傳類對。金山擬韓文俱藏於家。未刊。獅岩水簾云。猛獅盤青空。軒然昂巨首。瀑布掛巖前。似聞金獅吼。更似水晶簾。大珠小珠走玲瓏。坐玉房。晃漾隔雲母。窗外雪初晴。洞天雨何久。昨夜龍出山。飛瀑滿戶牖。或是近蓬萊。蚌胎吐如阜。海客縹冰絲。桃源遺佩玖。白虹繞山腰。彩虹蟠洞口。且聞山人言。時有花神守。我欲問花神。借住能肯否。橫江石馬云。房星天駟屬驂騑。移落江邊幾萬秋。芳草春深毛正密。綠蘿雨後纒還



柔。浴隨巨象翻瓊浪。渴與長鯨飲碧流。兩馬定從仙客化。寒  
巖壁上認閭邱。自題草廬云。澗谷幽虛有考槃。宮環半畝兩  
間寬。溪山不換王侯位。花鳥時從耳目官。鶴和松聲窗外度。  
月移梅影夢餘看。結廬但得紅塵隔。誰道夔龍邱壑蟠。獅岩  
一首。行寫自如。筆力道健。後二首雖刻畫過甚。但仍落落  
大方。非善于描寫者不办。詩載華氏譜。

華平。萬藻弟。原名萬亨。字長春。號衝齋。清邑增生。著有衝齋  
文稿。夔州太守白雲公云。匹馬單車三楚平。虎符佩向蜀  
川行。雷霆響震瞿。罽雨露膏涵白帝城。合浦遠來江月滿。營  
林味去海舟輕。蕭條琴鶴巫山外。夔府今傳召杜名。題聽春

寧海續記

卷一

二二

樓云。紅杏雨敲簷溜亮。碧楊風捲座烟清。呼朋窗外文禽語。  
洗耳牀頭綠水生。頌代戍孝子守餒公云。茄鳴沙漠風雲壯。  
夢逐椿林歲月新。頌雲公一首。清新絕俗。應酬詩到此。得未  
曾有。紅杏茄鳴二聯。亦頗奇警。詩見華氏譜。

華驥。字飛子。號籥雲。咸豐辛酉府學恩貢。壽七十六。著有業  
韻草舍詩稿四卷。西湖懷古云。西冷猶是宋坤輿。樓閣參差  
接市閭。金虜峰前休立馬。新王湖上且騎驢。六橋花柳看難  
了。半壁江山樂有餘。當此也曾回首否。汴京風景近何如。竟  
把杭州作汴州。西湖十里暢遨遊。臣悲鑄錯深衝恨。君喜銷  
金不解愁。風月隨時宜玩賞。煙波到處作勾留。可憐歌舞喧

天夜。五國城中淚欲流。和蘇紫垣參府方拱之作云。雲樹近  
將編戶蔭。浪夜曾傍戰船平。前二章慷慨淋漓。可作吳錫麒  
鳳凰山懷古讀。

籀雲子名觀。字博觀。號野堂。邑庠生。亦好吟咏。著有雪泥鴻  
爪詩草。題童歎。卿石鏡精舍圖冊云。義士忠臣載簡編。衣冠  
照澈鏡光圓。鏡光依舊衣冠杏。恨我進生五百年。慚余塵俗  
未全刪。如此名區不易攀。聞說精廬何處是。幾回魂繞畫中  
山。耆齡自述云。一笑獨彈無古調。千秋浪說有名山。未能免  
俗聊隨俗。正欲偷閒不得閒。詩載城南華氏譜。

華企良。野堂子。有登狀元峰懷葉西澗讀書齋詩二首。載其

### 寧海續記

卷一

二三

家譜錄其一云。挈伴登臨豁遠眸。元峰高聳衆峰頭。南朝政  
府人何在。西澗書堂蹟尚留。忍見江山淪半壁。願將廉耻砥  
中流。剝憐遙望屋門影。慟哭驟來風雨秋。企良字子芳。邑庠  
生。其子俊陞。畢業浙大教育系。好讀書。勤著述。頗有家風。

清朝浙人詩存。吾寧入選者。僅余雲祚。胡宗文二家。凡詩三  
首。胡字維章。諸生。賦得感時花濺淚云。感時逢舊雨。今雨復  
紛紛。山鳥啼春樹。村烟籠暮雲。韶光慊過半。花事醉三分。飄  
洒塵襟脫。揮毫去穀紋。賦得恨別鳥驚心云。恨別有還心。空  
山想足音。懷長鷺夢短。吟罷覺春深。天籟松鳴玉。鶯梭柳擲  
金。窗虛誰作伴。惟許月華侵。余字善將。謁包孝肅廟云。如君

行。雲。得。劫。直。動。當。年。木。死。奸。寒。骨。先。生。像。獨。傳。天。中。激。濁。浪。  
峽。裏。比。清。川。誰。實。容。公。者。君。恩。始。未。全。胡。詩。典。雅。清。麗。余。詩  
亦。有。新。意。

病鶴詩六十首。康熙間。緱城華謁作。全稿今已佚。乙亥夏。余  
展其宗譜。始得詩五章。絕佳。詩云。天地為籠。萬物禁。孤蹤特  
立。傍漢深。雪翎不敵風。和雨。清氣徒銷盡。與陰。展足漫成沙  
上字。昂頭乍得耳邊音。夢魂猶作仙人驥。豈是凌霄未了心。  
仙骨珊珊豈耐禁。蓬萊何處碧雲深。林塘風色涼於水。海島  
蟾光冷似陰。欲舞莫能憐瘦影。思鳴誰為惜孤音。閒看燕子  
飛飛急。築室營巢尚費心。門掩松楸白晝禁。玉樓何處念方

寧海續記

卷一

二四

深。水。螢。數。點。秋。風。冷。山。鳥。一。聲。晚。景。陰。雲。氣。橫。窗。同。顧。影。風  
濤。入。院。昔。聞。音。羽。毛。莫。慮。回。翔。損。且。向。煙。蘿。寄。此。心。無。限。哀  
情。吐。又。禁。高。天。微。月。照。淒。深。鷓。鴒。時。喜。翔。晴。宇。鸞。鳳。洞。悲。狀  
夕。陰。烟。外。故。枝。遙。在。念。渚。邊。新。草。近。知。音。尋。花。樂。圃。猶。堪。伴。  
未。遂。區。區。千。里。心。衆。鳥。高。飛。翼。莫。禁。孤。雲。猶。繫。紫。峯。深。啣。芝  
無力。過。元。圃。卧。月。忘。情。在。綠。陰。萬。里。翔。翔。空。入。夢。一。聲。清。徹  
望。知。音。何。時。展。我。長。揚。技。掠。水。聞。天。表。寸。心。王。起。霞。挑。燈。偶  
錄。僅。云。先。生。官。刑。部。員。外。郎。因。事。被。謫。在。禁。作。病。鶴。詩。百。首。  
並未載其詩。姑錄之以嚮閱者。

城內錢氏譜所載軼事。類多神怪之談。不可徵信。惟廣東提

督錢夢虎跡里一則。尚足述之。嘉慶十四年。夢虎因病跡里。有鄉人謁見曰。聞粵東乃安南暹邏呂宋荷蘭諸國市舶交集之地。奇琦異寶。多貨於其處。公為彼元戎。節制各鎮。當必有珍寶獻納。今有携歸否。公曰。有。然非可輕眎者。乃命僕特設一案於齋館。謂里人曰。請少待。吾自取以獻子。公入內取米與棉絮各一。搬出置諸案曰。吾素所寶者。此也。里人曰。此二者人所常見。以為寶乎。公曰。非米與絮。則人飢寒而死。舍是吾無寶。里人默然。

嘉慶間。縣前錢氏一門貴顯。城東塢心王氏。城南塘頭趙氏。富有田宅。皆極當時之盛。時人為之語曰。王家穀。趙家屋。錢


寧海續記

卷一

二五

家福。

吳樂園次女。蕙芳。能詩善畫。一如其姊茜雲。茜雲詩已見前記。不錄。蕙芳題畫云。携杖步雲山。長年寄嗜傲。即此是桃源。漁郎尋不到。又云。逸客訪幽遐。林深路亦斜。炊烟迷晚際。何處認仙家。雪影云。粉綿錦絮萬家樓。峰劍群青九陌浮。蘆荻洲前迷宿雁。漁簑江上失歸舟。半窗冰鏡搖書幌。幾曲銀屏倚幔鉤。最是晚來風色好。一天明月影交流。鸚鵡云。啄殘玉蕊輸紅豆。舞罷楸枰拓雪衣。題畫二首。一似王孟好句。咀味不盡。雪影章。鸚鵡聯。思致細曲。亦有風趣。詩載台詩三錄太平金氏鈔本。



寧海續記卷二

盤溪干人後著

華山小興二卷。余戚葛崖麟明經作。凡詩八十七首。未刊本。自序云。每見古人之詩集詩話。愛不釋手。幾欲屏去架上一切瓊籤。添油剔燭。達旦不寐。故當花晨月夕。興頗不淺。胸中汨汨。口內喃喃。正如草際微虫。逢秋氣而啾唧難悶矣。其好吟詠如此。六月云。月黑鶉鷄愁。簷前細滴稠。祇堪沽酒飲。難為出門遊。花溼猩紅重。溪添鴨綠流。子規啼不住。夢醒怯寒留。自歎云。子周列廡下。其師乃孔翁。蒼蠅致千里。豈非羽毛豐。呂傅非其夢。釣築老英雄。黃鸝翔雲端。一鳴耳皆聾。涼風

寧海續記

卷二

蟋蟀吟。啾啾蘇砌中。我乃田家子。世業本素空。負郭鮮良田。骨相乏重瞳。夏來刈穉麥。秋來剪吳菘。農事若已畢。文史且遂攻。吾生亦足矣。安論達與窮。村居即事云。日暮寒潭倦釣歸。石斑黃頰滿筭肥。老妻斷齋烹調熟。買酒山家叩竹扉。秋晚雜詠云。秋晚了無事。山居願不奢。雨晴鋤草脚。客至剪蒿芽。燕去空堂寂。兒嬌寢室嘩。聊提猫竹帚。時復掃塵沙。過山廠云。絕壑人稀到。深居仄徑通。牛羊山笠聚。子婦汲樵逢。破灶詛春筍。成帷愛午松。點猴時竊果。呼逐查無蹤。送別上人云。芒屨曉踏丹楓驛。桂棹秋搖紅蓼川。踏青云。綠野影搖濃。淡畫青衫痕映短長津。先生胸次高曠。愛自然。守邱壑。故所

作多冲澹閒遠之辭。是亦吾鄉隱逸詩作手也。葛字望之。北鄉花山頭人。清光緒間歲貢。

嚴執圭。字廷桓。縣西黃壇人。清乾隆五十四年舉人。柴溪陳氏譜載其笠山墓廬集杜四章云。委曲承顏體。三年獨此心。度堂非華麗。峻址得嵌峯。已結門閭望。無辭荆棘深。風杉會曙倚。不覺自長吟。獨繞虛齋徑。平生意有餘。興來猶杖履。客至罷琴書。掛壁攜筐果。常餐占野蔬。義方兼有訓。鄉黨羨吾廬。自茲藩籬曠。嘗果栗皸開。紅取風霜實。黃知橘柚來。長歌敲柳瘦。隨意坐莓苔。有客過茅宇。相迎自醞醅。把臂有多日。交親氣概中。相邀愧泥瀟。欲語羞雷同。濁酒尋陶令。游山憶

寧海續記

卷二

二

謝公題詩得秀句。此日意無窮。用人語一如已出。俯拾即是。妙絕。而陳安春先生之心境恬適。個中日月。亦為之盡道無遺。尤屬可貴。陳安春。縣北柴溪人。清諸生。養志承歡。孝行過人。父母歿。築室墓旁。晨夕禱香致敬。雖寒暑無間斷。事詳寧海光緒邑志。

余家有一園。地廣可十畝。因四周老梅環拱。名曰梅園。其楹聯多耆舊時賢所撰。泰半已錄入寧海漫記。丙子春。養疴武林。檢點行篋。又得散佚已久之曹蘊生明經所贈三聯。郡下能以詩鳴。後之梅園。前之梅壑。此中大有人在。昔也盤谷。今也盤溪。其二云。輞川墩。綠野墩。林表懸畫圖一幅。孤山耶。庚

嶺耶。月明橫疎影千枝。其三云。勝境訪盤溪。攜濁酒五六斗。  
賦新詩百餘首。名園如綉障。有梅林數十本。又桃李兩三行。  
三聯俱疏落有致。曹天台人。好山水。喜吟詠。與余酬唱頗密。  
徐乃義。號少漁。北隅人。光緒五年舉人。大挑直隸河工知縣。  
友人徐道乾祖父也。癸酉夏。余賃屋其宅。因得讀其木天預  
課手卷數十摺。其中詩詞。頗多伉爽之作。登巾子山放歌云。  
皇華脫幘還故國。登山高望舒胸臆。流傳巾子名獨奇。卧龍  
戴綸想異姿。風微人往成今故。蹟著勝區繫我思。天台靈境  
難盡訪。到此霞城猶目爽。危峯直矗勢凌雲。雙塔嵯峨映夕  
曠。松間僧舍多羅列。下界鐘聲繞地聞。忽然長嘯四顧廓。白

寧海續記

卷二

三

雲披絮竹隕箨。孟嘉落帽髣絕纓。余且整冠間自行。歌傳天  
地無時盡。彼美遙七空領引。賦得夜添山雨作江聲云。山雨  
滂沱勢。槐階柳巷添。聲如江作浪。夜不月臨蟾。谷口空濛暗。  
樓頭浙瀝霑。漏音沉畫閣。濤響雜雕檐。有客薰窗聽。誰人杏  
陌瞻。鳩呼剛已罷。魚泳豈因潛。風影橫千壑。燈光冷一簾。更  
闌愁未寐。腸若幾回占。又七夕調寄鵲橋仙云。秋雲淡也。銀  
河渺也。天上相思無數。今宵聞道是佳期。想此會淚淋如雨。  
離情多少。深愁誰訴。惆悵蛾眉何處。青天縱是有相逢。偏不  
許雙星長住。

湯學慧字子睿。長街石橋頭人。原籍天台。東鄉帶橫。少好古。



文詞。曾執教甯波甬江女中。天台寧海等縣中。卒年三十五。記其嫩江殺敵歌云。橈槍下掃南北滿。帝醉釣天渾不管。渡海三千組練明。棄城十萬貔貅散。瀋陽破後吉林摧。雲旂獵七龍江來。所至殺人不敢眠。東京萬歲聲如雷。誓師甲照嫩江水。賴有馬公奮臂起。指揮殺敵敵皆驚。那得神兵飛至此。短兵接戰血流紅。數日相持冰雪中。梟騎帶槍嘶落月。飢鷲啄肉下旋風。此時伏屍數十里。本莊之技止此耳。後雖援絕以敗聞。蓋世勲名更誰是。請謀銅柱鎮冰天。馬援至今猶未死。時平諸將氣如虹。登壇顧盼天下空。有事閉置若新婦。群雌粥粥乃無雄。吁嗟乎。群雌粥粥乃無雄。令人千載思馬公。

寧海續記

卷二

四

贈章一馨挂云。新雨無多舊雨空。與君意氣幸相同。閒愁正苦難消遣。古誼真堪託始終。歷盡風波才愈鍊。搜殘山水句原工。吳宮花草申江月。都在奚囊一卷中。贈徐琦園云。而翁昆季以詩名。夏玉敲金萬首成。身後賴君能嗣響。丹山又聽鳳雛聲。家居次述懷原韻云。幸從兵火逃灰劫。又向江湖聘酒懷。次喻文輝詠雪云。竹院風迴聲夏玉。茅檐冰合影垂龍。偶感云。大匠故應無棄物。少年所恨未成名。殺敵首有議論有筆力。而雄思警語。絡繹奔赴。尤得神化之妙。家居次喻偶感三聯。亦工穩。有風致。

謝孝女。邑東長街謝清湛之女。立誓奉親。終身不字。象山袁

澄有傳。敘其事最詳。清竹林貢生王嘉玉有感其誠。賦詩紀之。詩云。采愚山。石橋水。靈氣千年鍾女子。人言生女不如男。謝家孝女真難比。十年不字竟終身。短髻如絲髮兩耳。鷄初鳴。盥漱庭前進芣羹。日已夕。疴癢搔摩傍寢席。父教女書母教織。父母愛兒珍如璧。東隣小妹髮初長。乃翁為作嫁衣裳。西隣阿姨年十九。母送出門淚盈手。謂兒無家父母憂。兒父母兒無愁。歲歲針樓常乞巧。不知天上星牽牛。年去年來椿萱槁。鏡裏紅顏春共老。白石清泉孺慕心。至今長傍墓門草。此詩沈鬱頓挫。直逼魏晉。上乘也。詩見宋輯台詩三錄。王字輝山。號石坪。著有石坪鄙事。水旱羅經。

寧海續記

卷二

五

民國八年。閩浙軍援粵副司令浙軍第一師師長邑人童伯吹。歿於福建鼓浪嶼。時人哀輓頗夥。而余最喜陳炯明等念朕。陳炯明輓云。閩海觀兵知公能將。峴山墮淚為國悼材。李厚基輓云。話生平是武侯叔子一流。久稱儒將。閩海訂深交。曾共干戈經患難。奪我公於救國用兵之日。正在英年。錢江歸毅骨。早垂勳業壯山河。高翼臣輓云。憶去春駒從初臨。常親道範。棋酒細論兵。猶想見指揮若定。痛今日狼烟未靖。遽隕將星。英靈如在上。料難忘時事尚艱。吳光輓云。却殺教詩書之將。人盡知名。數千里仗鉞南征。八閩亦同欽偉績。李晟為社稷而生。天何不愁。卅三載騎鯨西去。九京應有慰忠魂。

余憲文輓云。閩浙起雄師。堪嗟援粵未還。喪我元戎。無異嬰  
兒失慈母。國家方多難。惟望在天之災。提撕大衆。再休同室  
演操戈。唐鵬舉輓云。大樹悵摧殘。空教五月渡瀘。三年零雨。  
將星驚隕落。頓使閩山失色。浙水流哀。却國壘輓云。公去意  
何之。忍使三軍無主將。我悲別有在。那堪兩浙失長城。陳偉  
績聯云。王業不偏安。問漢室重光。出師能傳几表。將才非易  
得。數浙軍健者。興武而後一人。夏克能聯云。浙水掌戎機。壁  
壘方新。咸仰亞夫軍令肅。閩疆官偉略。千城重寄。那堪諸葛  
將星沉。浙江督軍衛隊團第一營全體官佐輓云。勛業著隣  
封。至今鼓浪嶼前。墮淚空懷羊太傅。義師起鼎革。在昔雨花

寧海續記

卷二

六

台畔。盡人早識杜將軍。許翥鵬聯云。半壁孰撐持。際斯戰也  
未可。和也未能。那堪名將淪亡。大好河山悲去日。一生誰契  
合。偏我病不知時。歿不知日。從此重泉永隔。空餘血淚洒長  
風。顧乃武輓云。十載訂深交。當年立馬吳山。矢志共張錢氏  
弩。一朝成永訣。此後騎驢湖上。傷心不見岳家軍。吳憲奎輓  
云。閩海大星沉。鐘鼎銘勲。華表新題上柱國。聖湖神馭返雲  
旗。在望。兜鍪猶識故將軍。范奪魁輓云。總全師以屏障山河。  
為國宣勞。豈獨閩江昭偉績。臨大節而堅同金石。鞠躬盡瘁  
那堪浙省哭元勛。袁思永輓云。家國事。苦難言。憂患竟傷生。  
鼓浪嶼前爭墮淚。將帥才。不多得。舊遊俄若夢。萬松嶺下怕

招魂。孫鏘輓云。八閩屏障。奏設平和。賴公修廟捐金。勛績應同新建。盛三世高曾。旌褒節孝。念我築祠助款。靈輦思迓厦門來。童學琦輓云。辛亥丙辰。兩次倡義。富有冒險精神。尤難在功成不居。沾德並河山生色。師生朋舊。更番誤君。頗變本來面目。詎從此鬱伊致疾。傷心聽閩海哀聲。許成鞠輓云。留懿範於台山。浙水之間。軍民共仰。論碩望與陸遜周瑜同列。南北交稱。馮汝良輓云。之江俎餼。閩海專征。回思上將旌旗。公瑾雄風猶在目。威佩虎符。數奇鵬鳥。太息中年俎謝。長沙遺恨有同悲。讀之令人黯然下淚。感慨係之。朕見童師長輓朕錄。書共三卷。藏湖西童公祠。未刊本。

寧海續記

卷二

七

王清源。字文瀚。號秋濤。寧海城東人。乾隆己亥舉人。其詩初見於兩浙輜軒續錄。繼見於台詩三錄。然皆非王氏譜所傳者。茲就王譜。選錄其二。不寐云。夜雨對幽窗。燈光沉四壁。童僕皆鼾睡。我亦嘆孤寂。伏枕尋清夢。聒耳簷溜滴。荷聲與蕉聲。隨風添浙瀝。紛沓集羣籟。辨聽轉明析。耿耿不能寐。殘燈坐重別。百感一時生。中懷動戚戚。念自毛裏恩。欲報媿捧檄。肘策待金門。若前未中的。十載轍跡勞。風塵空閱歷。地與誰俱無。斗升辛勤覓。泛泛萍梗身。飄泊何所適。壯志幸未消。及時尚奮激。看着祖生鞭。還運陶公甕。雲程萬里遙。願學鯤鵬擊。春浪漲桃花。禹門垂霹靂。步張明府九日宴龍山原韻云。

倦選笙歌確黛鬟。快攜詩酒訪溪山。近堤花繞藏春隴。隔水  
林遮消夏灣。古寺埋雲梵響寂。殘碑剝蘚篆文斑。忠魂獨許  
成千古。緬想高風莫等閑。又哭乘輿五侄兼示諸侄句云。顧  
影已空鴻雁序。斷腸始信鶻領詩。不寐章心有所感。寄之於  
詩。讀此可想見其為人。步張明府首別饒風味。近堤一睽尤  
佳。

宋确山大令所輯台詩三錄稿本。有方外詩四十二家。而籍  
吾寧者。僅正崑明素二僧。正崑送方孟培歸寧海云。在遠無  
相識。逢人似故鄉。寒潮連桂檝。春雨別松陽。柱折江瑤脆。抗  
炊楚玉香。歸歟及耕釣。烟水計何長。明素遊梵嚴寺云。柘川

寧海續記

卷二

八

名勝地。曳杖遂閑遊。桂馥階除靜。松高鶴鶴秋。斷雲催落日。  
疎雨迫危樓。向晚鐘編急。夷猶寡所投。二詩意致蕭散。工穩  
之至。正崑號豁堂。清初人。明素號服一。著有習心吟。

王普。字邦懷。號芝田。城東人。乾隆乙卯舉人。其詩不多觀。余  
於台詩四錄。得其題揚蘇堤六必酒經一絕。此外未之見也。  
癸酉春。王氏修譜。特往閱之。因又得其律三篇。京邸七夕立  
秋偶成。呈四橋叔云。書劍飄零萬里遊。那堪送夏又迎秋。銀  
河烏鵲橋新駕。金井桐梧葉正投。張翰有心徒及柿。仲宣多  
恨怕登樓。人生何事長為客。翹首蒼天看女牛。柳殘荷謝兩  
難留。去燕歸鴻各自謀。畫角數聲風瑟瑟。青燐幾點夜悠悠。

漫言往事輸今事。博得新愁帶舊愁。自是天涯淪落客。知君應欲賦涼秋。京邸重陽日寄蘭舫並示任乾剛云。二年燕北過重陽。對鏡應憐鬢欲霜。既醉猶呼陶令酒。思寒偏看楚臣裳。渾忘客裏黃花瘦。貪憶園中丹桂香。今日蘇城風景好。遙知橋梓兩芬芳。三詩俱有感懷不盡之致。天涯淪落人讀之。而不下淚者鮮矣。

王錫服。字得再。號慎齋。城東人。道光間諸生。有悼亡詩三十首。王氏譜僅傳其六。錄其四云。傳言牛女兩情鍾。一歲銀河一會逢。我悔婦娥先竊藥。巫山雲雨隔重重。奩匣塵封鬢影遙。生前小照意中描。欲知舊日粧樓樣。八字愁眉半鎖嬌。荀

寧海續記

卷二

九

祭神傷我意傷。靈山不賜返魂香。可憐夜半驚殘夢。猶聽嬌兒喚阿娘。不幸深山暗買繒。翻教地下哭韓鵬。相逢猶怨風花晚。懊殺當年假幸繩。又書感句云。恨切賈生難作賦。愁深王粲怕登樓。韓劉事業文章老。銜柱襟懷氣骨清。

陳安春。號庾山。縣北柴溪人。清諸生。生平制行醇謹。足不涉公庭者垂五十年。傳詳寧海光緒志。乙丑冬。余與緱城胡經集一舟。先生輯錄寧海藝文志續編。因得讀其遺文二篇。一為芝蘭集後跋。一為功過格自序。文筆簡賅。蒼老。幾不能增易一字。從知庾山先生亦一能文者矣。芝蘭集後跋云。予自遊學以來。凡師友所投贈。隻字單詞。罔不珍諸笥篋。蓋歷有

年矣。今余年逾五旬。每憶師友。在朝在野。或存或亡。常惓惓不能去諸懷也。爰檢集遺簡。紀其芳名。次成卷軸。以見師友不忍棄予。予不敢忘師友之意云爾。自今以後。日月云邁。未悉諸名公以予為無聞之身。愆然棄置否耶。功過格自序云。余僻處山陬。賦性魯鈍。於聖賢正修之道。未之有聞。甲申歲。從香山夫子遊。得師資之益。始聞功過格一書。恍然若有所失。因追憶昔日之罪過。有不可勝言者。在少時。遭水厄。遇時疫。幾死而不死者。皆賴祖父之餘蔭。顧安得長恃而不之深省耶。爰齋戒洗心。告于文帝。謹遵功過格而行之。雖不敢自附于袁了凡先生之徒。而於脩省之道。未必無少補云。

寧海續記

卷二

十

同學黃正晉。以余蒐輯文獻有年。盡出其先父翰坡大令遺稿數帙相示。讀之詩皆豪宕勁道。意境深邃。傍晚西湖獨眺云。西湖好風日。獨眺此微吟。宦迹羈羈市。襟懷寫遠岑。雲山遊子意。香草美人心。有弟征行日。鄉關期念深。章門滕王閣。同迎秦集憲云。為到西江第一樓。明簪肅穆佇清幽。蟬聲遠噪碧堤晚。梧葉初飄金井秋。臺閣琳琅足文獻。湖山杯斝幾王侯。何人玉笛倚高曠。壯觀蒼茫最上頭。晚同迪弟鼎兒散步東西湖上。望百花洲。巡隄來月而歸云。平湖落日近洲烟。人傍綠楊舟在蓮。堤影一鉤斜照月。水光雙鏡靜涵天。真傳摩詰詩如畫。妙解淵明琴不絃。此夕天倫同勝賞。垂髫比翼兩

陶然。又云。湖上新秋。生夜涼。行行最戀水雲鄉。樓臺半角。渾金碧。亭墅三橋。連翠峯。帝子何年。蘭蓀佩。美人宛在。芰荷裳。更尋洲渚。足遊興。歸去閑齋。只對牀。光緒府志。文苑傳。清代凡百有十三人。而大令竟未列入。台詩四錄。卷帙浩繁。而亦僅載其靈江竹枝詞二首。蒐集地方文獻之難。從可見矣。距緹城東北七十里。有山曰笠山。因谷中有岡圓起如笠。故名。清柴溪陳安春先生廬墓之古蹟在焉。考其旁。制有八景。堂曰追遠。樓曰望雲。岩曰式穀。石曰戲綵。林曰竹林。圃曰橘圃。迺曰采蘭池。曰承歡。莫不名以命之。以寓其纏綿不已之意。嗚呼。至哉。柴溪陳氏譜所載名流題贈甚夥。而余僅記其

寧海續記

卷二

十一

二。寧海訓導任宗延廬墓歌云。笠山之樹啼夜鳥。笠山之水環哀廬。三年子舍血淚枯。罔極之恩無人無。維君至孝出天性。前賢後哲相輝映。憶昔君家徵士公。司訓藩疆名譽盛。讀書有志乃竟成。正學無愧方先生。十族甘同瓜蔓掃。一死不垂青簡名。從來忠義本孝友。木有莖分泉有酒。十葉雲初四百年。前光克迪君非偶。循陔曾誦采蘭篇。夕膳晨羞助爾虔。目斷傾曦無兩且。心傷逝水不終旋。三尺墳前數椽屋。鹿捍虎兮鳥啄不。俄今風雨夜來聲。行人猶聽皋魚哭。皋魚之哭哭未休。音容既去神魂留。蘭軒菊圃闢次第。一一想像通明幽。八景居然列名勝。題詩屐滿看花徑。我欲吟成錫類章。流



襟有淚先浪浪。四十功名不遂意。鬢鬢白髮辭高堂。一笏粗  
謀寔安。饑驅中路仍徬徨。比來緱城閱五載。有母聞雷兒  
不在。春原瞥見寒食前。亂飛蝴蝶心如醉。吁嗟君兮媿爾多。  
舉頭為君發哀歌。罔極之恩無人無。笠山一望烟雲羅。寧海  
知縣莫景瑞笠山墓廬云。柴溪笠山靈且淑。盤青鬱翠山形  
束。石墳高聳墓廬環。廬中有人枕塊宿。繞屋時飛啞啞鳥。觸  
松不走伎伎鹿。堂迤遠兮數椽。水承歡兮一掬。橘有圃兮實  
常懷。竹為林兮筍可哭。靈巖屹兮戲彩。介石貞兮式穀。樓望  
月兮且望雲。徑采蘭兮亦采荊。春露秋霜魂夢通。雨晦風濤  
神恠感。我來適值歲時闌。徧歷山中生敬肅。山人山人語汝知。  
寧海續記

水易潤兮木易禿。惟有山人一片心。終古笠山同面目。任海蓋  
八清舉人莫廣東定安人。亦清舉人。

相對淚如麻。

民國癸酉中秋後六日。鹽務中學教員徐琦園同學。病歿杭州西浣沙路永田里一號。君年三十四。有老母。無兄弟。時人哀之。諸暨壽景偉輓詩云。浙東誕降石麟首。經濟羅胸正盛年。寧海家聲傳燕翼。天台勝景著鴻編。呼朋尚欲恣遊屐。薦士方欣執教鞭。不料玉樓遽赴召。令人惋惜淚潛然。同學潘天壽輓詩云。與君總角交。相語每晨夕。談史與論文。益我十與百。輝光漸增長。各自奮羽翮。一別二十年。魚書亦疏隔。去暑來虎林。值我孤山陌。君既學有成。我亦倦行役。擬返雁蒼嶺。合茅半畝宅。以償耕讀願。歌詠雲月白。如何永相棄。一病

寧海續記

卷二

十三

無藥石。遙夜懷前塵。清淚擲襟烏。壽景偉又聯云。攬勝紀遊踪。新著已成參訂方。稱先睹快。薦賢開講幄。兼旬未滿。蒼涼遽起早凋悲。天台謝幹聯云。正當五岳圖成。何現鉢優曇。難留香色。回憶兩年同事。對屋梁落月。未免傷懷。天台褚傳誥聯云。忝同索米蕭屋。為君傳兩世清芬。見孝子孝孫東海。空憶探奇康樂。到此拚一隻蠟屐。寫好山好水天台。天台施督輝聯云。挂劍到延陵。別後心傷。猶記連床談永夜。同門哭徐愛。傳前淚灑。空思告墓向秋風。溫嶺蕭術聯云。是江湖散人。蹤跡依稀陸魯望。為山水小記。文章仿擬柳宗元。兩浙鹽務中學同人聯云。阮遙集屐破一隻。遽作仙遊。辜負西湖風月。

徐孺子榻留數夕。忽來噩夢。歎歎洹水瓊瑰。金華程耿聯云。共數晨夕。時何促。緣何怪。往事思量。祇留得司馬雄談。道元名論。在剡那間。病遽危。棺遽掩。故鄉迢遞。最堪悲倚閭老母。待哺諸孤。同鄉錢渠軒聯云。聞居慎獨時。克承東海家風。好讀書。好吟詩。尤好遊名山大川。想平時道德文章。不愧江南稱學士。任事未旬日。遽亡西湖客邸。拋老母。拋寡妻。更拋却孤兒弱女。看此處哀輓銘誄。那堪城北失徐公。天台曹希琛輓云。古云好山水遊。具人多壽。胡君否否。今赴蓬瀛去。與仙為徒。使我悽悽。琦園名璋字定茂。與余幼同學。長同事。相知頗深。歿後三日。余含淚為之傳。傳云。君諱璋。姓徐。字定茂。號琦

寧海續記

卷二

十四

園。國立勞動大學經濟學士。歷任浙江省立第六中學。天台縣立中學。杭州鹽務中學等校教員。徐君世居寧海城北河頭。祖某。清諸生。篤信宋儒。晚清台郡理學家陳階先生。為其門下士。父紉九。亦清諸生。為緱城里長者。兩世事畧。天台名宿褚九雲先生傳之。君少好讀書。行誼淳粹。悃悃無華。其得力于家學者深矣。弱冠即好吟咏。有家風。而古逸突過前人。年三十一。畢業國立勞動大學。澹於進取。嘗遊山水。慕阮孚向長徐宏祖齊周華之為人。癸酉春。與予同遊天台。一邱一壑。足跡幾遍。余以詩寫之。君則于山川草木。古蹟名勝。風土人情。虫魚鳥獸。詳誌靡遺。其心精力果。類如此。所著天台山指

南。天台山遊記二書。翔實典則。膾炙人口。豈徒供博雅君子之摩挲已也。今歲秋。約予東遊。旋以予寄跡武林。君亦至抗任。鹽務中學教職。課餘之暇。正圖遨遊太湖天目。莫干諸勝。詎知任事未旬日。竟染不治之症。溘然長逝。嗚呼。當君病初劇時。余以電告其家。夫人董氏。星夜兼程。及抵抗。君已先一日終矣。厝後二日。其七十餘齡之老母。猶電詢病况。傷哉。君年三十四。無兄弟。有子二女三。均年穉。其堂兄徐文岸。碩士。予業師也。為之殯殮。復與予謀歸其櫬。而刊其詩文以傳于世。且曰。琦園客死良苦。汝應為之傳。爰含淚書其大畧云。

葉校。字鑫甫。縣西朱畧人。曾任第一師獨立旅旅長。足跡所

寧海續記

卷二

十五

至。十有七者。著有從軍筆記。丙子春。包君仲脩。錄其詩一幀。寄示。讀之。語氣雄邁。非身歷百戰者。不能道也。留別工兵營士兵云。飲馬冀城窟。二十一年夏。進攻大名等處。凱歌皖水邊。二十二年擊潰邱霍全家寨等匪。生辰有感云。思親悲風燭。憂國乏經綸。晨發上饒云。鞞鼓聲傳烟火遠。陂塘雨過馬蹄深。徐州柳泉驛大雪云。徐北鷄鳴舞。魯南犬吠驚。黃龍痛泣後。解甲息園林。

戚學標三台詩錄。吾寧有清一代入選者。僅華大瑛等十八家。凡詩三十一首。爰選錄其名句。以嚮同好。華大瑛。台屏山石橋。同僧香雪分韻得空字云。山果禽遺啄。岩花鹿印蹤。胡

宗聖澹園即事云。紅葉高低樹。黃花遠近隣。華藹湯泉和杜  
編修訥韻云。山花自放還依草。谷鳥高飛不得烟。陳大嘗上  
邵伯高公云。天情赤幟當山滿。日暮清笳入郭遲。陳蒼曠秋  
江夜泊云。行色摧殘鬢。餘醺釋遠愁。陳蒼虬重遊壽寧寺云。  
雲留翠竹陰禪院。鳥送清音入畫樓。章素贈鑒元大師云。愛  
君如明月。夜夜堂前起。陳經濟復遊西湖寫意云。千山思詩  
短。一夢夕暉長。壇黃道中云。雲屯北寺疎鐘遠。雨歇南山瀑  
布飛。緱城從龍潭秋望云。雙圃騎鷲楓葉落。魚汀人唱蓼花  
開。胡宗寅江村晚眺云。平橋空野樹。孤嶼帶漁舟。早渡溪南  
限韻云。灘頭日色侵猶冷。橋背霜痕踏未齊。黃映庚早發朱

寧海續記

卷二

十六

吳云。鴉宣樹頂人驚起。犬吠籬邊客到狂。皆雅絕妙絕。而山  
梁紅葉雲屯雙圃四聯。尤得神化之妙。雜之名家集中。亦難  
辨也。

吳應鰲母葉氏。年二十七而寡。逾七十而歿。其孀居時。有孤  
燕來巢梁上十餘年。一時名流咸謂太君至誠感物。相與賦  
詩志異。天台陳南陔齊息園二先生。序其事。至今人猶傳之。  
水車陳經濟為作孤燕吟。佳絕。詩云。故巢寂寞負春時。影隻  
形單刺此雌。窗掩一燈孤睡早。簾開雙剪獨歸遲。烏衣國遠  
情誰寄。燕子樓高節共持。為感偏棲傳雅唱。靡他並咏柏舟  
詩。詩見三台詩錄。應鰲字葉圃。西鄉人。乾隆初貢。

三台詩錄附詩餘二卷。凡四十五家。而籍吾寧者。僅宋王深  
應次遠二人。鄉人之不好學。從可見矣。王霜天曉角。咏落梅  
云。疎明瘦直。不受東皇識。留與伴春應肯。千紅底。怎著得。夜  
色何處笛。曉風無奈力。若在壽陽宮院。一點點有人惜。應梅  
詞云。雪意嬌春。臘前粧點。春風面。粉痕冰片。一笑重相見。倚  
竹隈松。誰道羅浮遠。寒更轉。楚燈為伴。韻繞香篝煖。前者用  
意高妙。脫盡窠臼。劉潛夫愛之。採入詩話。後者借物寫懷。天  
涯同感。王字身而。官太常。有瓦全居士詞二卷。不傳。應字正  
子。嗜酒豪放。

癸酉夏。下棹孫曉汀先生。寄余遊台山諸作一帙。讀之五七

寧海續記

卷二

十七

言古。不論長章短篇。皆一氣呵成。而過太白書堂遺址一首。  
尤妙造自然。詩云。我來台山訪古蹟。振衣直上山之岡。此是  
太白讀書處。因名太白讀書堂。宿霧彌漫天一色。剪茅蓋屋  
泥築牆。老僧供茗尚款洽。椰杯四顧何荒涼。吁嗟乎。書堂地  
仍在。太白人已亡。不聞讀書聲琅玕。祇見殘碑卧道旁。

對尖樓詞一卷。寧海萬崖鱗作。附華山小興後。茲選錄二闋。  
以見一斑。滿庭芳秋山云。葉脫風滿。芳枯泉涸。祇剩松竹青。  
葱翠微影裏。崖壁瘦玲瓏。遊客安排不借。好供我酒盞詩筒。  
楓林紫斜陽掩映。古寺霧雲中。停駿。抬眼望寒鴉點綴。深淺  
搖紅。愛青女聰慧。設色彌工。指點千峯黛簇。渾莫辨烟雨空。

濛。晴曉眺。遼天似洗。尖碧盡摩空。渡江雲某友苦病久屢言無病可樂。我道不如借病消閑。反其意以戲之云。懨懨終日。卧。求醫問卜。百計覓良方。歎腰圍刺帶。豐臉銷姿。把鏡看容光。登山問水。奈一日重試青囊。友業堪興誰解得病中樂趣。莫笑我言狂。休傷。茶爐藥灶。少婦青僮。趨承狙我傍。紫眼兒。科頭踏足。看煞人忙。任簾外雨聲風韻。只領取鴉片清香。素食鴉片便勝却紅塵奔走。遑七。二詞音律諧婉。語意妥貼。可誦也。

乙亥春。城南巖蒼山。出其先祖晚江遺墨數十幀。假縣民教館展覽。並出特刊以貽戚友。一時名流題詠。珠璣滿目。亦追

寧海續記

卷二

十八

遠闡幽意也。章一山太史題晚江指畫云。寧海東南地盡頭。蹋海數武為瀛洲。天台四明懸雙眸。居人與世皆無求。不知國土有王侯。嚴公曉江實其傳。家食舊德服先疇。心地空明波中鷗。晨霞晚樹橫春秋。有時姑以一指收。姓名不願人口留。子孫永保為琛瓊。黃巖喻長霖題晚江指畫山水云。綠樹陰濃綠水湫。群峯盤拱鬱蔥蔥。台山萬丈霞城秀。盡在先生指畫中。黃岩朱文劭題晚江遺墨云。滿紙雲烟筆陳道。羅胸邱壑爽吟眸。豈同小品揚龍友。直逼通靈顧虎頭。泉石幽光難久闕。丹青遺澤喜長流。有孫傳硯尤堪慰。遠勝巖金富可羞。上海秦伯未敬題清泉道人遺墨云。吾聞雷山三十六峯

鑿如珠相貫續。飛泉百道鳴珂玉。長松滴翠岩生綠。中有幽  
人甘孤獨。羊裘家世不沒辱。儵然形影斟醜醜。天付奇情畫  
自讀。不惜黃金傾私蓄。不惜耗神損厥目。以身殉畫嗜何酷。  
人以畫傳意良足。光陰彈指百年速。有孫繩武出流俗。撫之  
摩之淚盈掬。願揚先德供瞻矚。精研六法宗南北。傳神何堵  
顧與陸。琳瑯瑰璋如千幅。練素盡成君子毅。吁嗟吾祖輟場  
屋。三絕自娛澧溪曲。瓶花贖稿為兔錄。夜永燈昏悲風木。景  
仰前修。增悵觸。別有悲懷終迴復。諸聞韻題清泉道人遺墨  
四絕云。蒲七巖公孰與儔。一生皮裏有陽秋。文章以外丹青  
筆。自是風流繼鶴邱。松壇風物正宜人。故眼溪山無俗塵。此

寧海續記

卷二

十九

老胸中邱壑滿。指端奇氣拂輪囷。酒酣落墨興尤顛。上乘能  
參畫裏禪。自有天機偏得處。展圖爭說是雲烟。傳家翰墨抵  
南金。五十年來可貴琛。畫篋於今開啟後。且圖千古有知音。  
曹家達題曉江山水畫云。荒塗犖确山氣陰。雪花倒壓天欲  
沉。北風凜冽野寂寞。此意幽渺難為尋。嚴寒獨釣寓言耳。時  
見冰崖澆釜鬻。寧海有一老。豁達開胸襟。奇氣拂之十指出。  
能以人幅容鄧林。重裘圍爐苦不耐。枯坐冥想寒雲深。興酣  
擲筆忽狂叫。匪接以目會以心。六月齋壁生畫寒。令人對此毫  
毛森。迄今五十載。愴慨悲人琴。留與孝子慈孫作遺念。楮墨  
不減雙南金。包容清泉道人遺墨調寄千秋歲云。梅花破蕾。



百歲孤辰尾。天錫祐。壽祐蒼。畫堂瓊翰列。玉璣淥霞介。精爽  
絢。少微星畔紅雲駕。磊落傾風概。揮酒瀉文采。絲鶴算。歌鮫  
背。歌筵金雁柱。舞席銀鵝隊。爭鞠脆鸞箋。早受仙家賫。晚江  
名頌。別署清泉道人。世居寧海之松壇鄉。性淡恬。嗜書畫。有  
所獲。輒廢寢忘餐。撫摩不置。以是藝遂日進。筆情墨韻。一一  
稱絕。而指畫尤所擅長。以視高且園。似無多讓焉。晚歲。兩目  
成疾。幾失明。享壽六十卒。傳詳先生行述。詩見嚴曉江居士  
百齡紀念遺墨展覽會特刊。

王其戴。字書九。寧海諸生。宋氏台詩三錄鈔本。載其帛方正  
學先生七古一章。頗佳。詩云。燕入金川路。龍潛桃葉渡。幽魂

寧海續記

卷二

二十

上與高皇訴。皇孫何辜剪其祚。成王安在擬周公。新莽居然  
位紫宮。麻衣莊士矢孤忠。十族一時喋血同。君不見痛哭殿  
上聲愈烈。地維已崩天柱折。讀書種子何曾絕。寥七數語。感  
慨不淺。

感學標三台詩錄。吾寧方外僅照心一家。凡詩二首。贈霞出  
老宿云。□羨高人跡。幽棲得自由。猿啼千幃夕。木落半亭秋。  
洗鉢口盈袖。談經月滿樓。俗塵終不染。詩句日優游。過海峯  
與友人話舊云。相□十餘載。今來叩竹扉。烟消青嶂出。雨足  
綠荷肥。龍象周□□。天花繚亂飛。坐談忘世事。鐘磬遠微七。  
確是禪林本色。絕無一點烟火氣。猿啼烟消二聯。尤覺工妙。

之至。照心疏空印。清寧海人。著有白巖集。

台詩三錄。臨海宋確山大令纂。都凡十一卷。起唐張曷。迄清宋世燦。約八百人。而以閩秀方外仙鬼等七十五人附之。惟是錄尚未殺青梓行。識者憾焉。乙亥秋。聞臨海項士元先生有抄本。亟向借閱。因得清代吾寧先賢詩三十四家。閩秀一家。方外二家。計詩五十四首。但其間佳句寥寥。遠遜戚氏三台詩錄。葉瑞胡維章西湖春遊二律。依韻和之云。曉霞收半嶺。初日絢高峰。吳彩蟾侯夷門先生。至自琅溪云。綠含春草堪留夢。香落梅花欲斷魂。雨後云。酒為宿醒減。詩知太瘦生。葛陞拱正月十九日。邀嚴明府敬齋。陳同寅。醒石。資西寺觀。

寧海續記

卷二

廿一

梅云。入座有筌清到骨。臨風無語澹傳神。王清源過山洋云。人依孤嶼外。路繞亂山中。王嘉玉漫興云。偶與白雲坐。不知黃葉深。長貧貧著述。多病負登臨。深秋云。村深抗穉熟。秋老鯽魚肥。王道正喜晴云。野雲猶戀樹。澗水自歸田。乙巳後三日。邀同人遊清溪寺云。半篙春水雲拖綠。一角晴霞天借紅。揚育俊題阮將軍廟云。名鑄蒼石古。亭銷片雲孤。潘家幹書館冬夜云。樓靜溪聲入。窗虛月色侵。章子禽過海遊嶺云。蒼鼠緣崖坐。幽禽隔樹鳴。

緱城明經葉桐封。鼎革後。即潛居鄉里。優遊於山水之間。凡吾寧一邱一壑。一草一木。莫不紀之以詩。爰選錄之。以嚮愛

好山水者。題孝女湖著衣亭云。為訪芳踪度竹林。危亭容我  
整衣襟。最宜一勺名湖水。猶是當年孝女心。龜岩云。巨龜出  
曝大江邊。就此嵩高不計年。苔蘚雨添鬢髮綠。藤蘿風曳尾  
毛鮮。回頭不飲人間水。浴背時承天上泉。世事窮通原有數。  
幽人從此卜先天。雁蒼云。雁蒼巒立大江隈。勢欲凌空氣象  
恢。非自衡山遙折轉。定從浙水又飛來。鳴聲每託西風遠。羽翰  
遂看白雪催。我亦此間暫作客。不知雲霧幾時開。東倉謁信  
國公鎮之云。世方濁亂謁忠貞。廉耻不因生死輕。賈相百留  
終夜遁。益王一詔便南行。痛深滄海波濤急。望斷中原涕淚  
橫。千古孤臣同有恨。東倉落日杜鵑聲。漳門弔古云。南渡君

寧海續記

卷二

廿二

臣劇可憐。金鰲背上了前緣。淒涼千古漳門月。無復琴聲到  
客船。明魯王故壘云。高皇事業已全非。朝夕播遷到海圻。故  
壘蕭蕭仍昔日。杜鵑喚不魯王歸。威繼光廟云。創謀狼筈立  
奇勳。再勝由來羨我軍。一帶河山資保障。千秋父老樂耕耘。  
精靈朗映琴江月。浩氣蒸騰碧海雲。近日男兒猶健跳。共欣  
殺敵掃倭氛。仙岩洞謁文丞相云。半壁山河一仔肩。憑將隻  
手力旋乾。此間偶爾留鴻爪。萬世令人泣杜鵑。浩氣欲吞滄  
海日。文光猶映上方泉。生前本有黃冠願。合祀仙家小洞天。  
閩風巾舒岳祥先生云。路人翠微接碧穹。高臺千古擁閩風。  
先生不愧山為號。亂世猶懷道是宗。嘯傲幾番憑鼎革。登臨

百載怨途窮。此間莫說無知己。烹煉金丹有葛洪。清泉題陳  
長官墓云。宰官幾似我公清。只惜人民不惜生。萬代黃連心  
更苦。一篇殘草諫尤誠。青山何幸埋忠骨。瘠縣從教得薄徵。  
俎豆千秋賢父母。葱龍佳氣鬱佳城。清泉題明孝烈女石三  
妹墓云。女兒自古羨曹娥。至行看來更足多。不惜微軀遲救  
父。偏憐大節急投波。貞魂百里隨歸棹。芳塚千秋禁伐柯。畢  
竟英雄屬巾幗。清泉華表幾嵯峨。梁王弔古云。天台西來一脈  
蜿蜒。青峯插碧天。不獨王愛我亦愛之。風景樂無邊。左閭風  
右桐柏。仙家接目前。當年帝子今何在。山村起暮烟。孝女湖  
在縣西前童村。為唐汪氏女。苦節不嫁。日汲湖水奉親處。龜

寧海續記

卷二

廿三

岩為明許士修。及弟士成隱居處。在縣東南三十里之九灣  
山口。因山趾有翠石。若巨龜出曝於江渚之上得名。雁蒼山  
在縣北四十里。石如雁行。其色蒼然。故名。山前有龍井。深百  
六十尋。下有天馬飛瀑。為邑最大瀑布。又有透錫泉。錫罐盛  
之。立乾。宋舒岳祥明倪長玕均隱此。葉丞相信國宅。在東倉  
下宅。宅前有魚池與古園。石筍猶存。威繼光廟。在健跳所。閩  
風臺在縣北五十里。其下閩風里為宋舒岳祥故宅。陳長官  
墓在西郭外百步。陳五代時人。因反對吳越王鏐加寧海賦。  
不屈死。石三妹。明邵州判官節女。年十四。隨父之任。以艱歸。  
舟出真江口遇賊。賊欲刃之。三妹亟抱父哭。悉脫簪珥與賊。

父獲免。執三妹欲污之。大聲罵賊。遂投水死。梁王在縣西。傳有昭明太子墓。

次盒遺稿一冊。亭旁包定撰。友人包貴鈔藏。未刊本。凡詩百餘首。詞三十七闕。所作多不拘聲律。直抒胸臆。有溫李之切麗。韋柳之奇雋。惜殞折太早。未能鎔鑄變化。自成一家詩。爰選錄數章。籍廣傳鈔。並以慰短命者於九泉也。春江即景口占云。去年今日燕歸來。穿柳撥花啄綠苔。無奈今年潭不見。嫩寒猶鎖楚王臺。月下聞琵琶云。淒涼客舍思悠悠。為愛嬋娟獨倚樓。何處琵琶彈夜月。聲聲訴盡古今愁。述懷云。豈是盧家婦。生平不識愁。任他蓬滿目。遂作白雲鷗。帶溪夜泊云。

寧海續記

卷二

廿四

釣罷歸來不繫舟。蘆花兩岸雁聲秋。孤村風送寒砧急。古寺雲橫疏磬浮。幾處笛音吹越調。半溪樹杪掛吳鉤。近年忘却傷心事。烟水生涯似海鷗。秋夜有懷云。星光月色滿前川。露冷蘆洲未忍眠。蟋蟀聲從愁裏聽。鷺鷥髮似客中添。一江漁火憐今夜。四座衣冠憶去年。嘆我近來憔悴盡。荒齋寂寞寫吟箋。春日坐黃豹山云。擎杯閑唱大江東。俯仰徘徊興自濃。飛出一谿戲水鷺。吹來滿膝落花風。綠楊堤外漁舟泊。黃豹山前天地空。最是西南遙望好。萬家烟火夕陽紅。

潘天壽。當代書畫家也。而亦善詩。畫名與吳昌碩相若。馳驅于青藤八大石谿石濤間。而別開谿徑。詩則造詣峭勁。簡古

淡泊頗有陶謝風氣。雜詩云。谷中有茅草。春來發華姿。馨芬盈石澗。碧水綠離離。幽生誰采摘。爲祀與薦饑。托根水石間。賦性有清奇。又云。冷冷澗中水。磊磊澗中石。上有孤生松。矯矯高百尺。不作三春花。寂然瘦絕壁。直待霜雪至。鬱鬱與玉碧。石屋洞題壁云。此洞何年屋。神工不可量。天籠山太古。苔潤雨餘香。壁蝕誰摩挲。燈寒石佛光。我來留久矣。清磬落長廊。早起對几上山花云。昨采山花盈一簇。置我洞房伴幽獨。曉來几案自清新。滿室異香飛葢七。飛葢七。君誰熟。寧邑土語謂桐鐵爲相熟。欲與君言。欲與君讀。殘河星稀稀。細風來倏七。露濃烟重碧欄低。斜月一鉤猶在屋。又云。白雲白雲飛谷

寧海續記

卷二

廿五

底。我知君住白雲裏。中有仙人字霞綺。朝朝來往隨鸞車。絳羅衣袂五絲履。瓊樓瓊閣飛雲殿。珠簾珠箔宜春院。祇識雲間春自深。與君相聚長相見。儼與君歸。君歸何日。世上多繁華。不解長生術。夢中得七律四首。醒後僅記聽天接閣一聯。即足成之云。催語吟成每自歡。快將殘句續冰紈。聽天接閣春無限。卷陸蛇龍盡走看。大道西馱牛背久。孤雲夢養海濤寬。酣歌數擬王司直。薄有情懷意未安。潘自署懶壽。別號三門灣人。縣北冠莊人。幼與予同學。嘗以書畫教服師友。乙亥春。余客武林。潘亦主講國立藝專。往采頌密。因得讀其詩而所錄之。

光緒台州府志。吾寧有清一代。列入文苑傳者。僅華藹。章素。黃映庚。王吉人。褚步蟾。五先生。其小傳。前記皆已述及。惟詩文尚未選錄。王有萬壑松風樓集。日吟小草。褚有欲帚集。皆已剗剗行世。藏之者夥。華詩亦見本記卷一。不錄。章著窠園草。今未見。咸編三台詩錄。所載僅五古三首。並謂其多愁苦之音。窠園翁云。窠翁寓窠園。隨寓日如窠。昔也魚在轍。今乃遊於釜。半生工剗肉。天地無完字。窠翁窠厥家。茅屋飄風雨。蕭蕭書卷外。立錫無寸土。窠翁窠厥身。舌禿齒盡齟。昏霧眼前生。殷雷耳中鼓。茲來禪月山。宵然雲一隅。春秋多花。隨分足領取。無端勞神魂。日與妻奴伍。舉火必量柴。吃飯亦數未。窠不

寧海續記

卷二

廿六

自園生。生於心之盡。何時女媧皇。煉石為翁補。窠園漆園同。遽遽而栩栩。古音古意。獨探異趣。可作虛白自傳讀。府志謂章與人落落寡合。而多方外交。嘗棄諸生不赴試。親友勸之作六窮詩以謝。其篤志安貧如此。黃映庚初攝武進縣篆。尋獲鎮江府糧捕通判。題補松江青浦知縣。以勞辛于官。著述無傳。三台詩錄有其詩二首。過方正學先生祠云。萬古綱常地。千家涕淚餘。青天騎列宿。白日照荒居。海擁長宏血。山垂太史書。成王竟安在。瞻拜為歛歛。早發朱輿云。雞聲初報東行裝。為語肩輿趁曉涼。數點殘星涵積水。半鈞斜月掛疎楊。鴉喧樹頂人驚起。犬吠籬邊客到狂。曙色漸分朱輿界。忽忽已

過兩三莊。謁正學祠首。悲壯蒼涼。朱異首。寫晚景亦工細。海游章諒元先生。自鼎革後。絕意仕途。嘗營別墅於西湖勾山里。讀書栽花。優游自得。晏如也。丙子春。余以事往訪。與之談詩論史。甚相投契。自後頻頻往還不已。一日。先生出其題余天台遊草七古一章。和天台陳一陽五古二章。讀之古音古意。噴薄而出。絕無綺靡之病。題余天台遊草云。天台東南山之祖。以之五岳殊非古。萬八峯頭自晉開。半為僧居半仙府。山中有山。壑幽深。天外有天。迷卓午。拂袖雲霞人夕晨。聯珠日月海吞吐。術可梯天今始知。遊為樂事誰云苦。從來八景有詠吟。更此千奇憑指數。我本天台山上人。塵間誤墮與噲

寧海續記

卷二

廿七

伍。紀遊一請慕干君。歸思斗將詢老圃。斯山傳說跡最靈。有佛隨時竊相聚。故爾任地可安身。保無毒蛇與猛虎。和天台陳一陽遊銅壺原韻云。天巧勝人功。作壺不煮銅。壺懸極天末。勢成出神工。甘露一泓泄。急漏萬夫雄。承露盤更妙。持滿水不空。乘流復攷曲。步轉自能通。天心願普濟。水簾鋪斷虹。下蘇蒼生困。內合神物籠。方隅見奇幻。萬事仰天聰。君今遊其上。理實會於中。願結二三友。茅誅五六弓。遊釣馳白日。歌嘯來清風。頗聞急馳道。可下能託終。又疊原韻云。造物造化功。人名壺為銅。惟然成以石。而後見其工。羣巒左右至。夾持上下雄。十里畜清泉。一瀉懸碧空。杳溟石盆藏。屈曲石澗通。迤



透到珠簾。鋪張成玉虹。地方百步圍。狀實萬變籠。始知世小  
巧。美敵天大聰。勞生半於役。樂意盡其中。八方急馳道。四裔  
尚彎弓。無民亦立國。有水應多風。故鄉雖云好。蕩子恐成終。  
章別署勾山。樵叟。畢業日本。仕官學校。仕清游至二品銜。有  
勾山詩文稿。

吾邑長官。自民國元年起迄今年止。二十五已二十有二。易其中任期。以章廣田十一天為最短。李涵夫三年三月餘為最長。至論政績。則首推曹彭。次及江恢閣李沫。其餘不足道矣。茲將其姓名銜別及到任日期。列表于后。

民國寧海縣歷任知事縣長到任日期表

姓 名	銜 別	到 任 日 期
董建侯	知 事	民國元年一月一日
孫 炯	全	民國元年四月十七日
曹元鼎	全	民國元年十月八日
殷李鈞	全	民國三年八月一日

江恢闊	全	民國三年十二月六日
何公旦	全	民國五年九月十九日
王寶璜	全	民國六年四月十八日
吳葆誠	全	民國七年九月十九日
宋化春	全	民國八年十一月十一日
王寶謙	全	民國九年八月十四日
彭延慶	全	民國十二年四月廿三日
李 洙	全	民國十三年十月廿一日
黃在中		民國十六年一月卅一日
孫乃泰		民國十六年二月十七日

寧海續記

卷二

卅一

章廣田		民國十六年三月十二日
夏鍾樹	縣長	民國十六年三月二十二日
馬逢伯	全	民國十六年七月二十九日
黃懿範	全	民國十六年十一月廿四日
沈 奇	全	民國十七年十一月廿九日
唐天森	全	民國十九年三月十三日
胡鼎仁	全	民國二十一年六月二日
李涵夫	全	民國廿二年九月廿三日

吾寧鄉鎮編置迭更。民國十七年共置一百九十三鄉鎮。至二十四年始改併為八十。即今之鄉鎮焉。爰列表於后。以續前

記。

寧海縣鄉鎮名稱改置表 (廿四年六月孫訪)

新置名稱 (民國廿四年)

舊有名稱 (民國十七年至二十三年)

猴城鎮

正學

遺惠

崇聖

白嶠鄉

嶠頭

中丞

雪坡

嶼山

石舌鄉

雙峰

石北

環溪

水車鄉

八保

井嶼

梅枝鄉

梅枝

七市鄉

連理

嶺根鄉

木峰

茂林

寧海續記

卷二

卅二

官塘鄉

觀棠

觀仁

趙莘鄉

趙川

莘村

百嶺

鳳溪鄉

鳳溪

黃壇鄉

陵裔

峰山鄉

華封

關西

西留鄉

西九

樞坡

留橫

洪南鄉

中山

穆湖

竹白鄉

竹口

白鯉

泉水鄉

旋水

杜壘

官莊鄉

冠莊

新成

相漁

拓浦鄉 茶院 南溪 許家山 道士橋 浦東

漚洋鄉 漚洋 樂靜

東倉鄉 嘉猷 文昌 丹山

胡陳鄉 梧林 上五

古渡鄉 上渡 中渡 下渡

長亭鎮 上亭 大湖 丹前 青珠 新成 湖頭 空委

寶泉鄉 寶泉 仙源

巡檢鄉 巡檢 蟹山 蛇盤

三門鄉 三門 花月 五嶼

琴江鄉 琴江 獅拳 四顧

寧海續記

卷二

卅三

蛟龍鄉 摘嶺 上段 六保

龍山鄉 八保 龍山 松杏

雙溪鄉 屏山 金橋 白岩

海游鎮 海游

上葉鄉 上葉

葛畝鄉 葛善 石所 南站

懸渚鄉 懸渚 石岩 小坑 掘坑

邵家鄉 邵家 湫水下葉 湫水畝

任家鄉 任家

楊家鄉 楊家 方岩 梅坑 甯和

包家鄉	鶴山。	虎隴。	分水。
梅家鄉	東金。	南溪。	
姜坑鄉	姜坑。		
石馬鄉	石謝。		
珠溪鄉	珠溪。		
高規鄉	高規。		
吳巖鄉	吳巖。		
東巖鄉	東巖。		
西嶼鄉	西嶼。		
沙巖鄉	沙椰。	南山。	
寧海續記			
卷二			
卅四			
竹林鄉	竹林。	妙張。	
柘湖鄉	官茹。		
塔山鎮	塔山。		
仙溪鄉	仙溪。		
塘頭鄉	唐王。		
梁麓鄉	梁麓。		
上金鄉	金兆。	白仙。	
王愛鄉	王愛。	華山。	
桑洲鄉	桑洲。	田洋盧。	下洋周。
		南山。	前山頭。
麻巖鄉	麻巖。	東岩。	



裏畧莊鄉

裏畧。大里。金瓦。赤鼻溪濱。柘坑。堂山。

龍宮鄉

龍宮

馬畧鄉

馬畧

寧海續記

卷二

卅六

